

烈祖成績

安積覺編次

卷八


U伊5

742

8



伊門
號 742
卷 8



烈祖成績卷之八

起天正十九年
終慶長三年

安積覺 編次

天正十九年辛卯正月朔關東八州將士謁江戶城賀正。松榮

紀事關白秀吉將討奧州賊以中納言豐臣秀次為將是日秀

次發清洲二日蒲生氏鄉率木村貞重父子自名生城還會

津石田三成聞奧州亂平自相馬還京師。家忠日記五日神

祖將兵發江戶城是日至巖築城。年譜創業者家忠九日下

野守忠吉自大阪還江戶。年譜家忠日記松榮紀事○按先

十一日神祖發巖築赴古河中路聞蒲生氏鄉討奧州賊平

之班師十三日還江戶城。年譜創業者家忠十四日豐臣秀

烈祖成績卷之八

次至武藏府中。神祖往府中。會于秀次。家忠日記。松榮紀事。閏月三日。

神祖如京師。年譜。創業記。家忠日記。松榮紀事。十二日。蒲生氏鄉入京師。謁

秀吉。告伊達政宗有反心。秀吉褒氏鄉平定奧賊之功。召政

宗。家忠日記。四家合考。松榮紀事。十五日。神祖至京師。家忠日記。松榮紀事。二月六日。

神祖從關白秀吉狩尾州清洲。又如京師。年譜。松榮紀事。十一日。後

陽成帝以勸修寺。大納言藤原晴豐。晴豐權大納言。晴右子。為使。賜御

製薰香於神祖。詔看禁庭之花。神祖入朝謝之。松榮紀事。三月三

日。神祖發京師。二十一日。還江戶。年譜。創業記。家忠日記。松榮紀事。是月。伊

達政宗入京師。訴其無反計。秀吉釋之不問。秀吉譜。係去年。今從松榮紀事。

○四家合考曰。明年太閤在名護屋。施藥院。侍側。威稱。政宗之功。太閤作色曰。去年奧州賊起。政宗潛與賊通。多方欲殺。

氏鄉。賴氏鄉勇將。彼不能逞志。我熟知之矣。今方有事于三韓。不如使之效力行間。且如島津義久。毛利輝元。始雖跳梁。終能屈服。故釋政宗之罪。以安反側之心。汝何譽之。太過。此必為政宗游說也。時人大服其言。附以備考。四月。從

二位大納言豐臣秀長薨。秀吉譜。五月。九戶政實又反。陵蔑南

部信直。招集奧賊餘黨。櫛引出雲。一戶圖書。姊帶大學。大湯

四郎左衛門等數十人。據九戶城。信直在三戶城。使其臣八

戶薩摩攻出雲。月館隱岐攻圖書。然憚秀吉威名。先收其兵。

訴于京師。秀吉奏以蒲生氏鄉為少將。伊達政宗為侍從。各

還其城。勦力以擊政實。以神祖及秀次為大將。發尾州以東

至奧州。兵十萬餘騎擊之。淺野長政為軍監。中村一氏。堀尾

吉晴。渡瀨小二郎為副。四家合考。松榮紀事。七月十日。秀次發清洲。十

九日神祖將兵發江戶。至巖築井伊直政本多忠勝榊原康政。松平康元為前鋒。秀次屯松島北國分寺。神祖屯巖手山。與國分寺相距行程三日。二十四日蒲生氏鄉將兵二萬發會津。赴南部。神祖以井伊直政秀次以堀尾吉晴為援。與氏鄉長政兵合三萬餘騎向九戶。七月伊達政宗攻宮崎佐沼二城拔之。八月氏鄉長政直政吉晴等至南部。九月朔氏鄉攻穴太井城。敵兵出根曾利城救之。氏鄉力戰破之。遂克二城。進兵攻九戶城北。櫛引出雲來救。吉晴直政攻城西。長政攻城南。南部信直及其子信濃守利直攻城東門。合圍攻之。日夜苦戰。斬首千餘級。七日夜城將九戶政實潛至長政營。

謂曰。還給主君大膳大夫信直舊封。則請以城降。長政諾。政實遂降。八日長政釋政實及出雲。縱火第三城。燔殺城兵數百人。殘黨猶在城中。氏鄉直政急攻破之。遂拔九戶城。年譜創業

記家忠日記四家合考松榮紀事

南部信直就長政謝其臣政實反逆。長政

告神祖及秀次。使信直還入九戶城。長政率政實及久慈備前氏鄉率櫛引出雲。大湯四郎左衛門。至三迫來謁。秀次怒其不取大將之旨而恣釋反徒。責之。長政告氏鄉。殺政實出雲及同族三十餘人。伊達政宗來巖手澤謁神祖。至最上謁秀次。奧羽悉平。秀次與神祖議定奧州法令。報捷京師。未幾班師。家忠日記四家合考松榮紀事淺野長政還京師。言于關白秀吉。復南

部信直之封。如與九戶政實約。淺野家譜羽州山形城主最上出

羽守義光請以其第二子左馬助為神祖之臣。神祖以其世

家辭之。義光固請不已。神祖許之。率左馬助至江戶。賜諱字。

名曰家親。義光大喜。自是與神祖交睦。關原記大全最上義光記但二書為文祿

中事今訂之。義光右京大夫義守子。歷侍從少將兼出羽守家親後為駿河守。十月二十九日。神祖

凱旋。家忠日記。松榮紀事。關白秀吉怒木村貞重不戢所部放之。收葛

西大崎。惡伊達政宗之反覆。削地徙于葛西大崎。使居巖手

澤城。加給政宗舊封羽州長井。奧州田村鹽松伊達信夫川

田於蒲生氏鄉。通前領一百萬石。賜糠夫舊封於南部信直。

○按東鑑文治五年載藤原基衡給糠部駿馬五十疋於佛工雲慶糠夫糠部國音相同蓋一所也。神祖為政

宗修巖手澤城授之。政宗怨秀吉削其地而授氏鄉。誘伊達

信夫川田鹽松田村等土寇。舉兵襲擊氏鄉。政宗之兵有告

其謀者。氏鄉遽發兵討之。謀竟不成。不日而平。家忠日記。四

紀事。是月。世子轉左近衛權少將兼武藏守。松榮紀事。源流綜貫。神祖增

采邑二萬石於松平康元。通前四萬石。賜土屋忠直食邑。家忠

日記。松榮紀事。關白秀吉年逾五十未有子。先是側室淺井氏生子

鶴松丸。秀吉大喜。是秋三歲而夭。秀吉譜曰。是年四月。秀吉

秀吉大喜。諸將群臣皆賀之。秋。棄君早世。秀吉甚憂而不書。十七年五月。鶴松丸生。據年譜。朝鮮征伐記。鶴松丸三歲而

夭。然則是秋。天者鶴松丸。而棄君生。諸書所不載。秀吉譜。誤。今從年譜。創業記。家忠日記。松榮紀事。朝鮮征伐記。秀

吉憂鬱殊甚。欲擊朝鮮以紓其憂。乃集將佐謂曰。吾欲以秀

次留守京畿。掌天下政。先滅朝鮮。直進入明。爲皇帝。群臣知其不可而不能諫。曲從其意。至是秀吉與將佐議定軍令。使九州四國山陽道諸侯造戰艦數百艘。大爲軍備。期明年正月出師。築行臺于肥前名護屋。凡兵十三萬九千二百人。取海路擊朝鮮。兵十萬餘屯名護屋。別聚兵六萬以備明之援。軍使神祖率關東兵會於行臺。秀吉譜松榮紀事

臣按諸書皆言太閤之擊朝鮮。以喪子欲忘其憂也。夫興無名之師。遠攻外國。窮兵黷武。竭天下之力。以效神功。皇后之所爲。此豈出於一旦悲愴憂鬱無聊之餘者哉。臣每竊疑之。因讀朝鮮征伐記。詳載其由曰。天正中信長公以

秀吉公爲大將。以擊毛利輝元。賜雨傘馬標曰。征討功成。則全以中國予汝。須乘其勢以伐九州。援軍應請發之。秀吉公對曰。平定中國。在臣掌握。何則。兵機疾速。勢在呼吸。每事啓于安土。取決則縻軍而不可制勝。今蒙殊寵。賜以馬標。是使臣得專閩外之寄也。降者撫之。叛者討之。隨宜制變。師無壅滯。此在臣之方略耳。今與臣比肩任幕府。可爲將帥者。柴田以下凡十三人。不命彼曹而命臣。覆燾之恩。無任感激。敢不夙夜驅馳。以傾其巢穴。近臣野野村福富森矢部等。皆可以居方面之任。然出就外藩。則內輕外重。而幕府不振。故不裂土封之。以備護衛。中國既平。則

宜封此輩以酬積年之勞。臣征伐九州得立大功。則願賜九州一年之賦稅。儲芻糧。造戰艦。以取朝鮮。欲賞臣功。願封臣於朝鮮。賜教書以攻大明。儻無教書。則彼必以臣為海寇。此辱國也。故豫請之。藉君威靈。席卷大明。合三國而為一。此臣之素志也。聞者竦動。信長公大笑。賞其大志。遂許關西軍務。不須稟白安土。蓋秀吉公智算有餘。洞見信長公猜忌功臣。終遭殺戮。故不欲受封於日本之地。此韓信彭越之所不知。而張良所獨知也。漢高寬仁大度。猶且如此。况事。中材之主者。其可不知良弓走狗之譬哉。此說雖或得於傳聞。而朝鮮之役。蓋有所由來。而欲遂其初志。

託忘憂以發之也。雖然在信長公之世。則猶之可也。及躬操天下之權。則何危懼之有。而必欲遂其初志哉。究其端緒。不過天下既平。無所用武。不能自克其侈心。而欲耀威武於外國而已。

先是秀吉放北條氏直於高野山。慮其寒甚。徙之天野。是春自天野量移泉州界津。居半年。召至大阪。給河州采邑一萬石。十一月四日。氏直病卒。時年三十。家忠日記。松榮紀事。卒年月日。據北條家譜。

八日。世子在京師。為參議兼右近衛權中將。年譜。松榮紀事。京師諸書。闕無所考。二十三日。神祖放鷹巖築。年譜。創是月。頒關東八

州神社佛寺印章。松榮紀事。係十月。今從家忠日記。十二月十七日。世子自

京師還江戶。年譜二十五日。神祖放鷹河越。年譜創業記○按諸書還江戶日闕

二十八日。秀吉辭關白。世稱太閤。以中納言秀次為關白內

大臣。公卿補任家忠日記松榮紀事

文祿元年壬辰正月朔。神祖受將士賀正於江戶城。家忠日記松榮

紀事二十九日。關白內大臣秀次遷左大臣。公卿補任二月二日。神

祖將兵一萬五千餘騎發江戶。榊原康政。酒井重忠。本多康

重從世子留守。本多忠勝。大久保忠鄰。小笠原秀政。松平康

重等從軍。年譜創業記家忠日記松榮紀事初置大番五隊。以內藤紀伊守

信政。三左衛門信成子內藤政長。永井信濃守尚政。右近大夫直勝子粟生

新右衛門為隊長。賜麾。松榮紀事○按五隊長闕其二今無所考使山本成行。多

田三八郎。山高宮內採船材於伊豆。多造戰艦。高力清長監

之。松榮紀事十六日。神祖入京師。十九日。以武州忍城十萬石封

下野守忠吉。賜下總小美川於松平家忠。年譜創業記家忠日記松榮紀事○

家忠日記曰十九日賜下總上代于家忠其後賜小美川城此非是日事然松榮紀事究言其事今從之三月朔

前關白秀吉前鋒小西攝津守行長。關原記大全曰行長初稱彌九郎界津藥舖如

清子如清初稱彌十郎為秀吉公之間諜說宇喜多直家降之秀吉公褒其功賜一千石擢行長為近侍。加藤清

正。黑田甲斐守長政等出京師。赴朝鮮。年譜家忠日記松榮紀事長政如水子初

稱吉兵衛後叙從四位下。四日。松平右京大夫家治卒。家忠

任侍從領筑前更筑前守家治與平信昌第二子神祖外孫叙爵見十六年。十七日。神祖發京師。如名護屋。伊

達政宗。上杉景勝。佐竹義宣。南部信直。各將其兵從行。結城

參河守秀康與權中納言豐臣秀俊。大和大納言秀長子。前

田利家等將兵屯名護屋。二十六日。前關白秀吉將兵發京

師。軍容甚盛。○按神祖及秀吉公至名護屋日諸書闕無所見是月。移封武田五郎

信吉於下總佐倉城。食五萬石。源流四月。小西行長入朝鮮。

攻釜山浦城拔之。加藤清正黑田長政攻金海昌原等城拔

之。平安黃海忠清三道人民或降或走。五月。行長清正長政

等進攻平壤。朝鮮國王李昭棄城奔北邊義州。王子后妃奔

元良哈。行長清正分道急追之。行長至鴨綠江口。不遇國王。

歸而屯平壤。清正至元良哈界。遇二王子臨海君肆順和君

瑄執之。年譜家忠日記。秀吉譜。朝鮮征伐記。○松榮紀事順和作光海。即一人而異稱也。李昭告急

於明。明主大駭。明主神宗時。萬曆二十年。使司馬石星經略之。遣遼東副

總兵祖承訓遊擊史儒率精兵三千救之。七月。承訓儒渡鴨

綠江。行長固守平壤。去王城頗遠。故築城寨於各所。使大友

左兵衛督義統。幼名長壽麻呂。左近衛少將義鎮入道宗麟子。叙從四位下。歷侍從左兵衛督任少將。世

稱豐後少將。本書作豐後守。今訂之。黑田長政羽柴藤四郎秀包。毛利元就第

網後更今名。稱久留米侍從。小早川隆景守之。首尾相救。以備急難。承訓

儒至平壤安定館。行長擊破之。獲儒首。承訓僅脫。三千之兵

悉死。免者十餘人。石星得游客沈惟敬。說行長講和。行長約

以七條。惟敬諾而歸。家忠日記。秀吉譜。朝鮮征伐記。松榮紀事。懲忠錄。是月。修繕江

戶城。松平家忠監之。創業記。家忠日記。大政所疾病。秀吉聞之。委軍

政於神祖及前田利家。二十二日發名護屋。走舸還京師。未

至而大政所卒。秀吉悲其不及大慟。八月十五日。世子如京

師弔之。九月朔。加藤嘉明以舟師與朝鮮水軍節度使李舜

臣戰於巨濟島。破之。年譜家忠日記。松榮紀事。並係二年。秀

小山朝三曰。諸書以此戰為癸巳歲事。誤。元年為是朝。九日。鮮征伐記亦係是年。今從之。巨濟島俗所謂唐島也。

世子叙從三位。為權中納言。年譜創業記。公卿補任。家忠日記。松榮紀事。十月二

日。秀吉又赴名護屋。秀吉譜曰。九月服闋。赴名護屋。十日。世

子還江戶。年譜係六日。今從家忠日記。是月。明主以總兵李如松為提督。

侍郎宋應昌為經略使。將兵五萬餘人援朝鮮。家忠日記。秀吉譜。朝鮮征

伐記。松榮紀事。懲忠錄。是歲。世子以其為神祖外孫。召與平信昌第四

子。賜松平氏及諱字。命名忠明。時十歲。家忠日記。係天正十

家治名氏。連書。然此時世子未製名。稱長麻呂。不應賜諱字。今從松榮紀事。忠明後為下總守。更名清匡。改封諷

訪賴忠於上總總社。松榮紀事。神祖第六子松千代麻呂。第七子

竹麻呂。生於江戶城。竹麻呂長而名忠輝。食上野深谷一萬

石。德川家譜。源流綜貫。松千代麻呂出繼長澤家。慶長四年。蚤世。故又以竹麻呂為嗣。

二年癸巳正月。神祖在肥前名護屋。世子在江戶城受賀正。

家忠日記。松榮紀事。六日。明提督李如松等攻平壤。小西行長堅守拒

之。互多死傷。行長慮眾寡難敵。夜潛軍出城。據龍泉寨。二十

七日。小早川隆景立花宗茂。羽柴秀包與李如松等大戰于

開城。破之。殺一萬餘人。如松敗走。加藤光泰長谷川秀一。木

村重成。續

九

續

村定光等進攻南安府寨。不利而退。隆景行長出王城迎之。引兵還。明兵二十萬入開城守之。平壤開城為朝鮮別都。故如松據之。三月加藤光泰細川忠興即長岡越中守是後皆從本書所有書細川長谷川秀一木村定光等七將攻晉州城。晉州為朝鮮名城。去王城四日程。初李昭之奔義州也。藏累代寶器于城中。使銳兵二萬守之。七將兵敗。死者不可勝計。僅免而歸。王城平譜在開城。我兵十萬雖守王城。彼能知地形。且其兵日增月盛。我兵不多。不得殲之。試攻晉州。城堅不拔。雖舉黃海忠清二道。彼民麇集險隘。以塞道路。全羅慶尚二道。雖舉其半。我兵

家忠日記朝鮮征伐記秀吉譜松榮紀事

諸將連署。上書名護屋曰。明兵二十萬

既過。則彼出而尾擊之。今欲多築城壘。據守要害。則我兵不

足。請賜援軍。則速與提督決戰。乘破竹之勢。攻入燕京。亦不

難矣。秀吉然之。乃以毛利甲斐守秀元為將。秀元初名安元。伊豫守元清子。

元就孫輝元子養之。帥二萬餘兵渡海援之。秀吉日與神祖及前田利

家議軍事。欲增援兵。然行臺之兵十萬。不得分之。京師大阪

兵雖衆多。皆備警衛。亦不可分。故無可增之兵。秀吉流涕曰。

吾生小國。兵衆不多。不得躡藉明地。以伸吾志。此終身之憾

也。聞者皆歎其有大志也。秀吉慮諸將久在行臺。疲敝倦怠。

或作雜劇。或點茶設宴。以慰勞之。朝鮮征伐記。秀吉譜。松榮紀事。是月。江戶

城修築功竣。家忠日記。松榮紀事。先是沈惟敬自燕京至開城。述石星

之意說和親之事。李如松不聽。然石星宋應昌力主和議。小西行長素好和親。而疑平壤之戰。惟敬用間。不甚信之。惟敬再歸燕京。密與石星謀。四月十八日。以監生徐一貫。生員謝用梓為使。多齎金帛。賂行長以為和親。諸將疲於久役。糧餉頗匱。故悅和議。與三奉行增田長盛。石田三成。長束正家議。欲引兵退保金山浦城。而艱於退兵。從小早川隆景之議。縱火諸營。乘煙燄而去。明兵不敢追之。諸將據善山府。金山浦。以待明使者。秀吉譜朝鮮征伐記。松榮紀事。六月三日。松平彌九郎景忠卒。家忠日記惟敬與一貫用梓至。名護屋行臺拜謁。秀吉悅。秀吉譜係五月。今從家忠日記。朝鮮征伐記。松榮紀事。館一貫於神祖之營。用梓於前田利家

之營。晨夕饗之。創業記。秀吉譜。年譜附尾。並曰。用梓入神祖主之。今從家忠日記。松榮紀事。一貫號唯吾。用梓號龍巖。秀吉厚賜兩使。及惟敬物。既而兩使告歸。秀吉諭行長及三奉行。使還臨海。順和二王子。及從臣於本國。李昭亦自義州還王城。朝鮮士民安堵如故。行長使內藤飛驒守如安。從兩使入明。與石星面議。據朝鮮征伐記。如安丹波人。粗涉文學。行長欲先馳聲勢。故更小西氏。按明及朝鮮書。稱小西飛者是也。星奏惟敬之功於明主。假游擊將軍號。臣按沈惟敬市井無賴。舞智揣摩。鼓弄司馬石星。變詐百出。星力主和議。繆謂惟敬緩急可恃。故排衆議而用之。惟敬往來平壤。釜山之間。覘我情實。小西行長欲沮加藤清

正進取之功。故與惟敬相為表裏。欺誑太閤。皆挾私行險。非為國家者也。徐一貫謝用梓之使于名護屋。實神宗之所不知。而惟敬之所私為也。夫合二國之歡。解戎馬之紛。極為重事。監生生員。非行人之職。豈能辦之哉。神宗果以此輩為使。則虧損國體。莫斯為甚。太閤不知其詐。以為信然。接遇二人甚厚。武將不習文事。固無足怪。而禪僧承兌。靈三永哲之徒。皆侍惟幄。以備顧問。僅知文字。給筆札而已。朝憲國典。彼曹烏能知之。潭潭幕府。皆為惟敬所給。惜哉。至於四年。神宗以李宗城楊方亨為使。而惟敬之姦始彰。石星坐之下獄死。惟敬相踵伏誅。而朝鮮再罹兵禍。小

人誤國家。其可畏哉。

秀吉以諸將敗於晉州為恥。故欲際和親未成之時。拔之。遣

淺野長政。黑田如水。

官兵衛孝高。剃髮號如水。注于天正十二年。

齋書往朝鮮。諭

加藤清正。小西行長。及三奉行。進兵取晉州。二十一日。

○懲

曰八日而城陷。故係是日。毛利秀元。小早川隆景。黑田長政。淺野長政。伊

達政宗。宇喜多秀家等。攻晉州城。清正行長為前鋒。牧使徐

禮元。判官成守璟。堅守。晉州城壁險峻。不得輒拔。諸將悉力

攻之。二十八日。城陷。斬禮元。殺城兵二萬五千餘人。

○懲

民死者六萬餘人。

醢禮元首。送于行臺。秀吉大喜。

年譜家忠日記。朝鮮征伐記。秀吉譜。

松榮紀事。

李昭還王城。纔閱月。而晉州城陷。昭大驚。告急于

明諸將時吳惟忠屯善山府。劉綎屯大丘府。駱尚志守南原。李如松猶在開城。為昭之聲援。如松召沈惟敬讓之。惟敬往金山浦。責行長負約。行長怒曰。汝雖主和議。而明兵累入朝鮮。是汝欺我也。九月。惟敬還燕京。連請召還李如松。劉綎等於石星。星奏于朝。明主許之。如松引兵還。朝鮮征伐記。秀諸吉譜。松榮紀事。諸將皆去。唯劉綎。吳惟忠。王必迪等萬餘人留焉。朝鮮中外飢困。重以癘疫。死亡殆盡。人心益恐。懲志錄秀吉以明主和議之報未至。以為惟敬欺我。日夜與神祖及前田利家謀議。一日黑田如水隔牆聞之。入曰。去年發兵朝鮮。以新田殿或利家為大將。號令出於一人。則衆心純壹。所向必克。不然。遣知兵

如臣等者。詭計秘策。隨宜設施。則於取朝鮮。何難之有。方今清正行長。年壯氣銳。唯矜驍勇。未習軍旅。且二人積不相能。清正出令。則行長壞之。行長置法。則清正沮之。故朝鮮人民。無所依憑。萍梗蓬轉。皆無土著之念。我兵所過。朝鮮三道。野無青草。悉為廢墟。諸將久戍。勞勩可矜。國弊民疲。功必難成矣。秀吉然之。以為千里暴師。兵疲衆沮。則恐有內訌。乃招神祖及利家。蒲生氏鄉。淺野長政。謂曰。按上文。六月。如水長政使于朝鮮。其後諸書不書其還。今無所考。金山浦諸將。徒有懷土之累。而無進取之心。不如吾親帥師。以征朝鮮。水陸軍民。宜體此意。日本全付之於新田殿。吾不復勞意。須以利家為左協。氏鄉為右協。吾督中協。

各將十萬兵。三協總三十萬人。掃蕩三韓。直入明地。奪燕京。以正位號。誰能遏之哉。神祖聞之大怒曰。下官自壯年以武為業。未嘗敗衄。今何為坐守日本。而受留寄之任乎。公縱屢命。而下官決意渡海耳。言未畢。長政進曰。狐之為妖。雖嘗聞之。今始見之。意其狐媚蠱惑太閤。而非復平日之太閤。請新田殿勿怒焉。秀吉怒髮直上曰。豎子悖慢無禮之甚。因扣其刀。利家氏鄉抱持之曰。彈正吾曹誅之。豈足污殿下之及乎。長政不懼。徐曰。吾輩數百人。雖伏斧鑕。而不足憂。今天下人民供朝鮮之役。不得一日休息。丁壯苦軍旅。老弱罷轉漕。愁怨之聲。盈于街衢。殿下今日航海。則明日必有群盜蠱起。蟻

同矣。雖新田殿在此。獨運奇策。而何能一旦削平四海之亂乎。願輟航海之議。班朝鮮之師。速還京師。以固根本。而為長久之計。則國家幸甚。秀吉怒益甚。利家氏鄉叱之使退。長政歸營待罪。居數日。健步自肥後來報曰。薩摩人梅北宮內左衛門。招集群盜。攻陷佐敷城。秀吉譜。淺野家譜。作熊本城。今從清正記。松榮紀事。國中多黨于賊者。秀吉大駭。與神祖議。召長政曰。今使汝子左京大夫。幸長將兵擊賊。長政大喜。秀吉又謂神祖曰。宜以本多中務大輔為副。神祖即召忠勝。秀吉謂忠勝曰。幸長年尚少。未曉兵機。軍中之事。無大無小。汝宜決之。幸長忠勝拜謝。即赴肥後。既而健步又來報曰。清正留守之臣。誘殺宮內左衛

門。餘黨悉平。幸長忠勝還自中路。秀吉遣長政於肥後。綏撫

之。○松榮紀事。秀吉與神祖利家謀議以下。至遣長政於肥後。置元年七月。惟敬與行長議和。下家忠日記。無如水長

政之事。而書肥後賊起於元年七月。創業記。以神祖對秀吉之辭。係是年。朝鮮征伐記。秀吉譜。係是年內。藤如安入明報

問未。至下。事勢宜然。今從二書。置于此。

臣按。近世藤井臧著國朝諫諍錄。載淺野長政之諫論曰。

孔子曰。人無遠慮。必有近憂。信矣。豐臣公將入大明。未發

而。有梅北之事。若長政不冒死以進言。使公卒踰大洋。則

入蕭牆之憂。豈可量哉。因引齊顏燭諫景公。元王磐諫世祖

二事曰。顏燭王磐俱欲使其主有遠慮而無近憂者也。其

主一則從諫而不失國。一則不從而大黷武。併與我豐臣

公之事。皆後世人君之所宜深察。而顏燭王磐長政之至忠。又可以為人臣千載之炯鑒矣。臧之援引當矣。故臣表而出之。

初忠勝每赴戰場。以扇為幟。至此神祖謂忠勝曰。扇幟我家

舊物而嘉例也。宜上之。忠勝使長井與二郎新製獻之。本多家譜

○據家譜。清康公以扇幟賜忠勝祖父。八月三日。秀吉側室

平八郎忠豐。屢有戰功。故神祖云然。淺井氏生子。名曰拾麻呂。即右大臣秀賴。詳關白秀次馳書

行臺告之。秀吉大喜。委軍政於神祖及利家。乘輕舸還大阪。

二十九日。神祖自名護屋至大阪賀之。年譜。創業記。家忠日記。朝鮮征伐記。秀吉

譜。松榮紀事。閏九月二日。世子如京師賀之。家忠日記。松榮紀事。十月十四

日神祖發京師。二十六日還江戶城。年譜創業記家忠日記松榮紀事加藤

清正與小西行長不協。屢欲破和議。內藤如安報未至。清正

以為明人殺之。十一月三日率兵攻安康。明將劉綎自慶州

來救。清正設伏擊破之。得三百餘級。綎遁歸慶州。年譜家忠日記秀吉

譜松榮紀事十二月內藤如安抵燕京。謁明主。司馬石星待之甚

厚。九卿科道會議左闕。如安與星論辨。和議遂成。如安歸金

山。沈惟敬亦至。秀吉聞報。使行長等戍金山。側近數城。其餘

諸將撤兵歸休。石星奏如安之言於明主。明主許封秀吉為

日本國王。朝鮮征伐記秀吉譜松榮紀事是歲神祖以大久保忠鄰為世子

傳。忠鄰天正初為奉行。至是輔佐世子。家忠日記大久保系圖保科正

光叙從五位下。為肥後守。家忠日記松榮紀事

三年甲午。前關白秀吉欲以天下政事授拾麻呂。而關白秀

次無遜讓之意。故先使拾麻呂居大阪城。而築城於伏見。自

居之。命諸侯出役丁。二月神祖會關東將士於榊原康政第。

貸徭錢。差役夫。每食邑一萬貫。出三百丁。家忠日記二百人今從松榮紀事

神祖如京師。諸將在名護屋者。皆來大阪。二十七日秀吉遊

大和。看吉野山花。神祖來會。關白秀次。權中納言豐臣秀保

以下。秀保秀次弟為大和前田利家伊達政宗等從焉。稽留

二日。作和歌會。盡歡而歸。創業記太閤記家忠日記秀吉譜松榮紀事三月七日。

經始伏見城。凡役二十五萬餘丁。關東諸將。在伏見董役。十

四日神祖如伏見按視之。家忠日記是春前關白秀吉親作

申樂於禁廷神祖及前田利家亦親作之。創業記四月二十九

日秀吉浴有馬温泉神祖以平巖親吉為使訊之。家忠日記

是月秀吉請神祖叙永井直勝於從五位下授豐臣氏為右

近大夫。家忠日記六月三日秀吉如伏見督修築五日神祖饗秀

吉於旅寓。創業記家忠日記十九日神祖自伏見還京師九月

小田原城主大久保七郎右衛門忠世卒子相摸守忠鄰嗣

使以其第二女嫁池田輝政。家忠日記是歲秀吉諭神祖

世子加首服於大久保新十郎授諱字名曰忠常。大久保家譜

忠常相

模守忠鄰長子又加首服於西鄉孫九郎授諱字名曰忠員

後任加賀守前車後語集忠貞彈正左衛門家員長子

四年乙未正月朔神祖及世子在聚樂群臣入第賀正。家忠日記

松榮紀事○按二年閏九月世子入京賀秀賴生其後諸書不書歸江戶蓋留在京師也今無所考二月會津

城主蒲生飛驒守氏鄉卒年四十其子鶴千代尚幼前關白

秀吉念氏鄉之功使鶴千代襲封賜書宰臣護之以神祖第

三女嫁之長而稱藤三郎名秀行任飛驒守。創業記家忠日記

行進叙從四位下至侍從三月二十八日神祖享前關白秀吉於聚樂第

秀吉駕車而來享禮甚盛神祖奉白金三萬兩。家忠日記

年譜松雜彩衣服一百領綿一千屯八丈島絹五百端褶三

百端。長光大刀。光忠刀。行光短刀。良馬一疋。世子奉白金三千兩。衣服五十領。越後布一百端。良馬一疋。秀康奉衣服三十領。至將士獻衣服。各有差。年譜創業記家忠日記松榮紀事五月三日。神

祖出京師還江戶。年譜創業記家忠日記松榮紀事臨發。神祖密戒世子曰。關白秀次將忤太閤之意。秀次誘汝。慎勿黨

之。年譜附尾松榮紀事是月。世子加首服於奧平信昌第三子。授諱字。名曰忠政。時年十六。家忠日記慶長二年為管沼定利養子七年賜松平氏關白左大

臣秀次淫虐日甚。數登城放鳥銃。殺行人以為樂。往年秀吉服闋。又赴名護屋。世人皆謂秀吉既老。秀次宜代其勞。而秀次曾不經意。黑田如水切諫之。秀次不納。國朝諫諍錄引秀吉譜詳載如水

之諫論曰如水讜言可謂忠告而善道之者也然不關神祖之事故不載其言而但書切諫之及拾麻呂生。

秀吉欲立為嗣。增田長盛。石田三成等。希其旨。攬撫罪戾。譖

愬交至。太閤記秀吉譜七月三日。秀吉聞其有反計。遣增田長盛。石

田三成。富田知信等於聚樂。詰問之。秀次誓無他。至伏見。陳謝。秀吉不聽。秀次欲取世子為質。天未明。遣使請饗之。大久

保忠鄰。土井利勝謂其使曰。黃門未出寢。當俟黎明告之。使還。又來頻請。忠鄰利勝相議。速使世子潛往伏見。即眾昏議。大路與竹田間道。孰宜。議不決。利勝曰。當取大路。眾從之。促

駕而去。從者僅五六人。忠鄰留在聚樂第。秀次數遣使請之。忠鄰曰。黃門有茶會之約。曉赴伏見。秀次聞之。悔其不及。世

子至伏見謁秀吉。秀吉大喜，稱之曰：「真新田殿之子也。」創業記家

忠日記、松榮紀事乃遣書神祖，告秀次之罪狀。八日，秀吉謫秀次於

高野山，收其二子及寵妾侍女二十餘人。十五日，遣福島正

則、福原直孝、池田伊豫守於高野山，監秀次之死。秀次自殺。

寵臣木村定光、白江備後守、熊谷大膳亮等皆被誅。是日，神

祖見秀吉之書，發江戶城如京師。二十日，至三島。秀吉書又

至，告殺秀次。神祖兼程而行。二十四日，至伏見，謁秀吉。秀吉

悅，神祖速來，語秀次有逆謀。秀吉殺秀次二子及妾二十餘

人於三條河原，同瘞於一坎，號畜生塚。幽秀次之黨與一柳

右近將監於神祖第。其餘各命諸侯幽之。太閤記、家忠日記、秀吉譜、松榮紀事

臣按：關白秀次以斗筭之器，居鼎鼐之任，驕奢淫佚，失為

人子之道，其不保首領宜矣。太閤戮及其孥，何其慘也。瘞

之一坎，號畜生塚，果何謂哉！後趙石虎殺太子邃及其妃

張氏，并男女二十六人，同埋於一棺，太閤不知虎之所為，

而其事相類，豈殘忍之性，不期而適然歟！抑又甚矣。

先是秀吉養側室淺井氏妹為子。九月十七日，嫁于世子。年譜

創業記、家忠日記、松榮紀事、夫人淺井長政季女，贈從一位崇源院太夫人是也。是歲，神祖第八子

仙千代麻呂生，使平巖親吉子養之。德川家譜、源流綜貫與平家昌叙

從五位下，為大膳大夫。家忠日記、松榮紀事

慶長元年丙申正月，神祖在京師。十六日，前關白秀吉發東

國役丁。築河內堤。家忠日記五月十一日。神祖進正二位。為

內大臣。年譜創業記。家忠日記。松榮紀事。松平家乘叙從五位下。

為和泉守。家忠日記十三日。秀吉子拾麻呂命名秀賴。叙從三位。

為參議。時四歲。家忠日記松榮紀事。並云。是日秀吉抱之。

同車入朝。神祖亦駕車入朝。永井直勝。內藤康成。家忠日記

榮紀事。作康成。考內藤系圖。松平正久。豐島正次。為隨身。七

月十五日。秀吉築伏見牙城於木幡山。年譜創業記。家忠

月十二日夜。京師地大震。土裂水湧。伏見城中殿舍悉倒。侍

女婢妾死者五百七十餘人。神祖之第。門樓顛倒。加加爪隼

人正壓死。家忠日記秀吉譜。先是明主以臨淮侯李宗城充正

使。朝鮮社伐記秀吉譜。並曰。臨淮侯李宗言恭子宗

揚方亨副之。同沈惟敬來聘。冊使久懷觀望。稽留二年。是春

始至金山。惟敬欲奪使臣而代之。陰怵宗城。宗城懼。棄函書

夜遁。明主以方亨充使。加惟敬神機營銜副之。加藤清正。小

西行長引兵還。伏見。八月。方亨惟敬及朝鮮使黃慎朴弘長

至界津。二十九日。赴伏見。秀吉使宗對馬守義智之臣義智

再造之恩。而以卑官為使。辱我耶。辱明耶。勿與明使同謁。二

使驚悸。就行長謝之。秀吉不聽。家忠日記松榮紀事。九月朔。

方亨惟敬登伏見城。謁秀吉。惟敬奉金印冕服及授諸侯冠

服隨其品級用之。翌日饗冊使。秀吉著緋衣戴冕。坐中央。冊使隔席坐其右。神祖及前田利家等公卿七人著冕服。坐其左。其餘諸臣以次班列。享禮甚精豐。宴畢。冊使出。秀吉入花園亭。召僧承兌靈三永哲。使讀誥命。至聞封爾為日本國王之語。嗔目大怒曰。吾既統領日本。何假明主之封爵乎。初行長告曰。明主封吾為大明國王。故召還朝鮮之師。行長欺吾。須亟誅之。承兌諫曰。中國甚大。故外國例受其封。殿下威名播異城。故明帝奉冊書。誠皇朝之輝光也。宜善遇冊使。以結鄰好。秀吉怒少解。然憤行長之欺罔。怒未止。行長謝曰。此非臣之所為。皆三奉行之所指揮也。因出書牘數通證之。秀吉

意解。召加藤清正。石田三成。增田長盛。大谷吉繼曰。冊使不可久留。詰朝當送還界浦。吾將再起大兵。屠滅朝鮮。四日。冊使及朝鮮使還界浦。八日。秀吉使宗義智賜金銀方物於二國之使。及使者發。柳川調信謂黃慎曰。明年我兵再入朝鮮。事已決矣。宜速使王子來謝。不然王子復為俘虜矣。慎大驚。告冊使。年譜創業記秀吉譜家忠日記松榮紀事十月二十八日。吉田城主酒井左衛門尉忠次卒。子宮內大輔家次嗣。酒井系圖十二月五日。久野民部少輔宗秀與三宅正貞忿爭鬪死。宗秀父宗能年老。宗能剃髮號宗安悲悼殊甚。神祖矜之。賜下總采邑一千石以慰之。是歲。以松平康親為大番頭。神祖謂康親曰。今欲以子為大

番頭。而以吾同族。恐子心不平。然風塵未靜。麾下先鋒。非子而誰歟。遂與松平家乘同職。而班其右。時年三十。福釜松平系圖

子加首服於松平。又八郎。家忠子。後襲稱主殿助。授諱字。名曰忠利。賜

佩刀。池田備中守長吉子。次兵衛長幸。長吉勝入第三子。輝政弟也。長幸時九歲。

小字勝三郎。初謁神祖及世子。賜佩刀。以松平定勝第三子。後任備中守。

三郎。四郎為荒川二郎。九郎養子。家忠日記。松榮紀事。三郎。四郎後名定綱。任越中守。

二年丁酉正月。神祖在伏見第。前關白秀吉。以去年地震。伏

見城壤。又使諸侯修築城郭。經營殿閣。土木之功。連年不輟。

徭役繁興。天下苦之。創業記。家忠日記。松榮紀事。明和議既破。秀吉再興

師攻朝鮮。以豐臣秀秋為大將。宇喜多秀家。毛利秀元副之。

以諸將久在朝鮮。能諳形勢。秀吉不復赴名護屋。在伏見指

授方略。置番兵於名護屋。以戍之。朝鮮征伐記。秀吉譜。二十五日。秀吉

前鋒加藤清正。小西行長。率舟師渡海。二月。諸將航海入朝

鮮。至三月。兵集者十三萬餘。進自五路分攻之。東萊。機張。西

生浦。豆毛浦。安骨。竹島。梁山。蔚山。加德諸城。或陷或降。熊川。

金海。昌原。咸安。晉州。固城。泗川。昆陽等地。日本兵皆據之。明

及朝鮮兵不能往來。李昭大恐。率后妃王子奔海州。朝鮮又

大亂。乞援于明。明主以侍郎邢玠為經略。總督楊鎬為經理。

巡撫麻貴。劉綎為南北大帥。以援之。邢玠惡沈惟敬之譎詐。

使副總管楊元執之。朝鮮征伐記。秀吉譜。松榮紀事。明紀事本末。四月十一日。世

子夫人淺井氏生女千姬於伏見城。家忠日記松榮紀事月

而適右大臣豐臣六月十二日從三位權中納言小早川隆

景卒。子秀秋嗣。公卿補任此後書從三位前權中納言豐臣

秀秋初任年月未詳

臣按小早川隆景將略能似其父元就而智謀過於其兄元春。嚴島之戰。猛厲無比。卒能摩壘陷陣。馘陶晴賢。而蠶食山陰山陽之地。元就之基業得以恢廓矣。及秀吉公與輝元相持備中。聞明智光秀之亂。講和乞援。將佐皆欲乘其弊掩擊之。而隆景建議以為不可。竟許和親。輝元封疆完固。得無玷缺者。隆景之力也。泛考當時記載。有最可稱

者。文祿中用沈惟敬和議。退王城之兵於釜山。諸將甚難之。隆景一言決之。竟得全師而歸。秀吉公器重之。封以筑前。引參謀議。隆景以為坐享大國。必非太閤之所安。吾無子。不如養其子姪以傳之。乃請子養其甥豐臣秀秋。秀吉公悅而許之。此其識度遠出於當時諸將之上者也。臨終戒輝元曰。天下雖崩離。而汝必勿與焉。唯須固守封疆。何則。宗國有英傑之人。懷包舉宇內之才。則可。今無其人。吾熟察之矣。後來不能守分。而妄動干戈。則國必危矣。庚子之亂。輝元黨于石田三成。幾喪社稷。國雖朘削。而疆圍得傳於後昆者。神祖之寬仁也。隆景之言。不亦著龜乎。秦王

猛臨死諫苻堅以勿伐晉堅不能用竟亡其國隆景之才識雖以王景略擬之可也

是月戶田三郎右衛門忠次卒於下田城家忠日記八月十

五日秀吉諸將進攻南原拔之殺守將李福男家忠日記朝

十八日西鄉彈正左衛門家員卒子孫九郎忠員嗣前車後語集

二十八日前征夷大將軍源義昭薨年六十一公卿補任將軍家譜先是

薙髮稱昌山法號靈陽院九月七日毛利秀元加藤清正黑田長政等與

明兵戰于全議館大敗之家忠日記朝鮮征伐二二十八日參

河守秀康從四位下前田利勝竝為參議公卿補任十一月

明經略邢玠率諸軍入朝鮮王京家忠日記朝鮮征伐二記秀吉譜松榮紀事

月二十七日白井城主本多越前守廣孝卒年七十家忠日記先是

豐後守廣孝更任越前守是月淺野幸長守蔚山城邢玠以大兵圍之加

藤清正自西生浦帥兵入城助守年譜家忠日記朝鮮征伐世

子放鷹武州稻毛患痘瘡神祖在伏見聞之遣永井白元問

之白元歸伏見報疾瘳神祖喜稱白元往復甚捷土岐山城

守定政卒定政上總介賴明孫兵部大輔定明子初稱藤藏神祖以奧平忠政為管

沼定利養子襲封上野吉井采邑二萬石家忠日記松榮紀事

三年戊戌正月二日神祖感吉夢詣石清水社家忠日記並

曰米津清右衛門妻在江府夢和歌其詞有吉兆神祖恐豐

臣氏聞之秘而不發家忠日記曰是夜松榮紀事曰是春按

神祖因夢兆詣石清水不應豫料有此事其在他年明矣創

業記考異松榮紀事一說竝以夢和歌係元年正月為得

三日毛利秀元黑田長政加藤嘉明森忠政蜂須賀家政及豐臣秀秋之兵五萬餘騎救蔚山經理揚鎬懼其精銳不戰而走明兵大潰諸將追擊斬獲甚多委棄器械輜重不可勝計邢玠奏鎬罪於明主罷之朝鮮征伐記秀吉譜懲忠錄明紀事本末二月十九日武州本莊城主小笠原掃部頭信嶺卒年五十二子小平次信之嗣松尾小笠原系圖明主以萬世德為經理玠與諸將議募江南水兵分水陸四路各以一將提督李如梅將中路麻貴將東路劉綎將西路陳璘將水軍甲兵凡十萬各守重地欲相機決戰秀吉諸將亦分據要衝蔚山為東路加藤清正據之順天為西路小西行長據之望津泗川為中路島津兵庫

頭義弘陸奧守貴久第二子修理大夫義久弟為義久養子據之黑田長政淺野幸長

等諸將及豐臣秀秋部將山口玄蕃允宗和諸書或作宗永關原合戰誌作

正弘今從又續南行雜錄宗和後事秀吉公屯聚釜山及四邊營寨相為聲援朝鮮

征伐記秀吉譜松榮紀事懲忠錄明紀事本末會津城主蒲生飛驒守秀行重臣恃

功驕橫秀行柔弱不能制其宰蒲生四郎兵衛擅殺寵臣巨

利八右衛門秀行怒欲誅四郎兵衛石田三成左右之使四

郎兵衛遁於鎮西將士交相惡三月九日秀吉與神祖議收

會津一百萬石移封秀行於宇都宮給十八萬石移封權中

納言上杉景勝於會津以鎮東陸創業記家忠日記松榮紀事○先是宇都宮彌三郎

國綱有罪削封至是給宇都宮於秀行據寬永系圖會津實封百二十萬石而謂之一百萬石者舉大數也是月

秀吉遊醍醐山看花。夫人及秀賴、婢妾悉從。華服鮮麗，供給盡美。四月二十日，參議豐臣秀賴叙從二位，為權中納言。公卿

補前田利家叙從三位，為權大納言。其子利勝叙從三位，為

權中納言。管原系圖云：二年三月十一日，不經中納言任。大納言，今從公卿補任。秀吉譜：○按利勝弟孫四郎

利政叙從四位下，為侍從。蓋在此時，然無明文，故不書。六月二日，秀吉在伏見城罹疾。

十六日夜，伏見城下無故騷擾。井伊直政在藤杜，馳至伏見

第。家忠日記：松榮紀事曰：先是井伊直政，本多忠勝、神原康政、石川康通、平巖親吉、自關東遞番至伏見，護衛神祖旅

寓在藤杜，是時直政上番，藤杜在伏見北。神祖謂直政曰：今夜擾亂起何處？汝宜

探問。直政歸報曰：石田三成、大野修理亮治長、第治兵、繹騷

起於此。家忠日記：松榮紀事十四日，秀吉疾革。召淺野長政、德善院玄

以石田三成、增田長盛、長束正家曰：吾聞諸侯收伯與麾下

士不相輯睦，此禍亂之基也。宜釋憾結歡，相與保護嗣子。長

政等諭告諸將，僉曰：同心協謀，以事嗣君，誰敢有異心。至於

私忿，各有其故。台命雖重，難輒和平。秀吉聞之不懌，謂神祖

曰：願內府勞心，使眾和協。神祖會侯伯諸士，傳秀吉之旨，使

相與輯睦。眾對如前。神祖作色曰：諸君嚮對太閤，既云同心

盡忠，保護嗣君，夫奉公上者，何挾私怨之有。苟構間隙，此懷

攜貳而非同心之謂也。愛戴嗣君之義，果安在哉。何其言之

相戾也。眾屈服曰：敢不唯命是從。神祖復命，秀吉大悅。饗侯

伯諸士，相與結歡。然侯伯終無和愉之色，不與諸士交一語。

神祖按劍怒曰。諸君何欺我哉。嚮報諸君之言。故太閤喜而設燕會。而今無酬酢之禮。含睚眦之忿。此諸君賣我於太閤也。坐中之人皆我讎敵。天鑒在上。不使一人脫去。眾皆恐懼。屏息。中村一氏。淺野長政。德善院。温言慰藉。眾皆俯伏謝罪。翊日。秀吉聞之。面諭神祖曰。疇昔之事。文武兼備。威信並行。雖古之名將。何以過之。撫育嗣子。綏懷遐邇者。吾不復他求矣。感泣謝之。關原合戰誌。松榮紀事。七月。秀吉病間。如大阪城。不日還。伏見。既而疾篤。秀吉以為天下兵馬之權。非神祖不能握。因密謂神祖曰。吾死。天下有憑陵作亂者。卿宜提兵平定。秀賴孤弱。宜保佑存恤。至其成立。隨才處分。神祖灑泣曰。殿下萬

歲後。孰敢不奉世子者。然人心叵測。須運神智。詒謀子孫。下官不才。何以能勝重任。秀吉曰。今天下無如卿者。勉從吾言。神祖固辭而退。秀吉召石田三成。增田長盛。議後事。二人姦邪。包藏禍心。因諫曰。殿下以英武之德。草創基業。有嗣君在。何以天下讓他人為。請臣等竭力護嗣君。號令天下。秀吉然之。乃置五大老。五奉行。以神祖及加賀大納言前田利家。備前中納言宇喜多秀家。安藝中納言毛利輝元。會津中納言上杉景勝為五大老。以淺野長政。增田長盛。石田三成。德善院玄以。長束正家為五奉行。據秀吉譜。先是既置五老五奉行。小早川隆景亦為五老之一。文祿四年。法令。隆景與神祖利家。秀家。輝元。連署。石卯餘史曰。效室町將軍之制。準三管領四職。置五老五奉行。其說疑

五老
卷八

木邨嘉平括

為得實。但不知其在何年。家忠日記書於秀吉薨後。以為遺命。蓋誤。關原合戰誌曰。太閤既殺關白秀次。遂有授天下於三歲幼兒秀賴之志。故置五老。五奉行。以固基本。按文祿四年。秀賴三歲。與秀吉譜。胎合。而云。隆景卒。以景勝為之者。拘於五老。而臆度之說也。藩邸府庫見藏文祿四年八月三日。九條法令。神祖秀家。景勝利家。輝元。隆景。六人連署。實當時物也。據之。則六老。並決政務。而隆景卒後。因循以為五老也。然無年月可據。故從松榮紀事。書於此。○關原記大全曰。大谷吉繼。初為奉行。頻年罹惡疾。而盲。故數辭職。太閤惜其才。不許。然吉繼。恥與人交。每有會議。多不出。因循不入。五奉行之列。故明年二月。五奉行上。命曰。小事宜。五奉行相議決之。誓書於神祖。亦無吉繼之名。命曰。小事宜。五奉行相議決之。至大事。則五老商量。然後行之。又置中老三人。以生駒雅樂頭近世。藏人家宗子堀尾吉晴。中村一氏為之。命曰。若有五老五奉行爭權相惡。宜三老和解之。年譜創業記家忠日記松榮紀事八月朔。明兵圍順天城。小西行長堅守拒之。年譜家忠日記秀吉危篤。又謂神

祖曰。因卿固辭。既定五老五奉行。然雄武篤實。鎮壓人心者。非卿而誰。宜居十人之首。裁決庶務。因遺命曰。嗣子僅六歲。不能蒞政。宜內府專斷天下事。羽柴筑前守為嗣子傳。在大阪城。二人協贊。發號施令。嗣子繼業。在二人心。凡天下大名。勿私結婚姻。勿擅封郡邑。五老五奉行虛心協謀。勿樹黨。勿爭權。務輔嗣子。以至成立。又謂其腹心曰。吾死。深秘之。淺野彈正少弼。石田治部少輔。宜入朝鮮。引兵而歸。然後發喪。頒給遺留物於大名諸士。儻二人不能引兵。則使內府渡海。或有反者。內府不能往。則使利家渡海。大名雖多。無踰此二人者。使一人渡海。則雖有明兵百萬。必不能遏吾師矣。不然十

烈且我讀

萬之兵。暴骸異域。吾死不瞑矣。創業記朝鮮征伐記秀吉譜關原記大全松榮紀事十

八日。前關白太政大臣從一位豐臣秀吉薨。年六十三。秘不

發喪。獨長束正家步而從。葬于聚樂南阿彌陀峰。建祠其麓。

年譜創業記太閤記家忠日記秀吉譜松榮紀事法號國泰院諸書葬日關關原合戰誌曰唯德善院玄以從未知孰是今從關原記大全

臣按。豐太閤以不世出之姿。崛起草莽。騁桀驁之才。奮雄武之略。遂能徇北越。定南紀。平海西。舉關東。位極人臣。四海無敢支吾者。可謂曠代一人也。置五老五奉行。綜理政務。置三中老。彌縫釁隙。臨薨顧託之言。頗近于正。皆近世諸將之所不能及也。遺令諄諄。班朝鮮之師。稍有漢武輪

臺之風。豈悔心之萌乎。惜其惑於石田三成。增田長盛之姦佞。恃為腹心之臣。暨晚年舉子。有易嗣之志。姦臣逢迎。攬撫構陷。遂使父子不能相保。而蒙不慈不孝之名。雖由關白秀次驕縱不能幹蠱。而貝錦萋斐之力。亦已多矣。朝鮮之役。曲直紊亂。事多壅蔽。諸將怨望。爭訟競起。延及卽世之後。巧言如簧。幾掩日月之明。紛拏喧逐。釀成庚子之亂。究其所由。則太閤好侈大務。遠略姦人。得以投機之所致也。

十九日。神祖世子入伏見城。問秀吉疾。途遇石田三成。使其臣八十島道與密告喪。神祖世子卽歸于第。年譜創業記家忠日記松榮紀

神祖歎曰。往年太閤在名護屋。淺野彈正坐其臣偽造黃

金。囚于利家之營。吾駕肩輿。潛至囚所。欲共休戚。解釋其事。

遂得免死。故懇款特甚。今不告吾以大故。而三成與吾疎。逃

反以實告。人心固未易料也。松榮紀事。關原記大全。是夜神祖與世子

議詰。且世子出伏見。赴關東。關原記大全。松榮紀事。九月二日。世子還

江戶城。三日。神祖及利家秀家景勝輝元與五奉行互通書。

以誓輔導秀賴。諸侯牧伯亦各上誓書。以示無貳。年譜。創業

紀事。松榮十三日。世子加首服於松平伊昌子彌三郎。賜諱字

及佩刀。名曰忠實。五井松平系圖。家忠日記。淺野長政。石田

三成。以秀吉遺命。奉神祖之旨。至筑前博多。遣使朝鮮。告秀

吉之喪。使諸將引兵還。先是島津義弘與其子又八郎忠恒

義弘第三子。後更家久。歷陸奥守。薩摩守。大隅守。叙從三位。為權中納言。在朝鮮。築望津。晉江永

春。金海固城。昆陽。泗川。新寨八寨。父子居新寨。為諸寨聲援。

二十日。明中路提督董一元。攻拔望津。永春二寨。二十八日。

明兵襲泗川。大同驍將李寧恃勇。挺衆而進。義弘之兵擊斬

之。遊擊虞得功中鉛死。十月朔。董一元與部將茅國器葉邦

榮。彭信古。攻新寨。義弘父子拒戰。大敗之。二十萬兵。一時潰

走。一元不能制之。義弘之兵追擊之。其餘溺水墮。死者無

算。義弘下令。不使窮追。至望津。收兵還。凡獲三萬八千七百

十七級。載送筑紫。年譜。家忠日記。朝鮮征伐記。秀吉譜。松榮紀事。明紀事本末。明人郭國

安在義弘之營。知秀吉訃至。諸將班師。往告明將。然義弘大捷之後。明兵懼不敢進。諸將欲乘此機退兵。明水路提督陳璘遣副總兵陳蠶鄧子龍等。浮戰艦數百隻於忠清全羅慶尚三道海口。以邀歸師。加藤清正去蔚山。小西行長撤順天。島津義弘出泗川。十六日。陳璘聞之。遣鄧子龍及朝鮮李統制水兵一千餘。檄于鼓金邀之。義弘既去。適與行長之船相值。勦力苦戰。子龍敗死。李統制來救。亦戰死。行長走舸至加德。與義弘合。殘兵猶在鼓金島。義弘遣船迎之。陳蠶列船攻擊。中軍將陶明宰戰死。蠶引去。殘兵悉得至。加德劉綎率舟師來攻。義弘行長之兵擊破之。綎亦引去。加藤清正。淺野幸

長。鍋島加賀守直茂等兵。亦得航海而歸。

直茂駿河守清房子。繼民部大輔政

家。十一月。征西諸將悉歸筑紫。先是神祖利家在伏見。專議

朝鮮之事。義弘捷報未至。甚憂班師之難。神祖欲航海退兵。

徵關東兵馬。時利家嬰疾。固止之。欲力疾渡海。議未決。神祖

使藤堂高虎往朝鮮。

家忠日記。秀吉譜。及松榮紀事。一說並云。遣德永法印壽昌宮城長二郎豐盛

於朝鮮。今從朝鮮征伐記。藤堂高虎行狀。關原記大全。及松榮紀事正文。高虎赴海西。聞諸將歸

至對馬。還自中路。淺野長政。石田三成在博多。迎諸將勞之。

告秀吉遺命。諸將感泣。三成曰。諸將宜先赴伏見。賜休暇。各

歸其國。明年入京。須相與設茶會。以慰積年之勞。清正素惡

三成。大言曰。諸君好作茶會。吾在朝鮮七年。瓶無一粟。囊無

一錢故無茶無酒。但當以稗粥饗諸君耳。三成深銜之。諸將

尋至伏見。神祖利家大喜。稱其功勞。使各歸藩休息。○按神祖利家

雖有此語。而諸將歸藩休息。實在此語。而諸將歸藩休息。實在此語。而諸將歸藩休息。實在此語。

關原記大全作五萬石。今從家忠日記。朝鮮征伐記。秀吉譜。松榮紀事。

田三成增田長盛欲乘間逞其姦計。竊相謀曰。今天下雖有

五老無出內府利家之右者。彼二人相親。以出政令。則吾輩

碌碌為彼役使。終遭屈辱。為今計者。不如離間二人。以生釁

隙。乃先聲言三成長盛互有忿恨。既而長盛諂媚神祖。三成

阿附利家。奴顏婢膝。無所不至。一日利家將享神祖。期已定。

長盛來告曰。利家將不利於公。請勿往。神祖託疾不往。他日

長盛謂利家曰。鄙內府將來。適有流言而止。若又刻日為約。

則必欣然而來。利家曰。往日之事。吾甚慚之。儻復見欺。則何

面目見世人乎。長盛曰。內府亦悔負約。今再訂約。敢不赴期。

利家然之。卜日請神祖。至期。長盛又告神祖曰。利家竟有姦

謀。必不可往。巧言沮之。神祖不聽曰。鄙已負約。利家得無遺

憾。吾不忍再負。將駕。長盛詐作或者書。探懷出之曰。固勿往。

神祖驚訝。遽稱有事故不往。利家大怒。招其姻戚細川忠興

告曰。吾老矣。為人輕侮如此。豈非終身之恥耶。明日吾將往。

丹後。儀舟子之管內。以歸賀州。忠興曰。如明公之言。忿恚固

宜。然徒歸藩。世人謂明公為怯。威權亦廢。且棄嗣君而徑去。

其如太閤之顧命何。竊為明公不取也。利家從之。於是長盛
姦謀竟行。神祖利家嫌隙日甚。松榮紀事

臣按。讒人構陷善良。其術多端。增田長盛之離間神祖利
家。巧言飾詞。即楚費無極。讒卻宛於令尹子常之故智也。
子常賄而信讒。遂滅卻氏之族黨。而禍楚國矣。利家仗義
明敏。能察其姦。而納細川忠興之諫。終與神祖修好。戮力
擁護。秀賴不然。三州之地。恐為他人之有。而子孫不能血
食。危矣哉。詩曰。讒人罔極。交亂四國。此之謂矣。

十二月十一日。長篠城主奧平美作守貞能卒。子九八郎信
昌嗣。家忠日記是歲本多忠政叙從五位下。任美濃守。本多系圖後進從四

位下任
侍從

松井甲太郎書

烈祖成績卷之八終

烈祖成績

卷八

列位麻...

五

木邨嘉平括

...

...

...

